

مرحلة الآباء و الأنبياء - أسرة يسوع الطفل

الطريق إلى المذبح

ديسمبر ٢٠٢٠



Handwritten signature

كنيسة
السيدة العذراء والأنبا يشوع
و السيدة العذراء والأنبا رويس
بالأنبارويس



"مساكنك محبوبة يا رب إله القوات، تشتهي وتذوب نفس للدخول إلى ديار الرب" (مز 83: 3)

المجوس ذاهبون الي المزد

فهل سنذهب معهم ؟!!!!!!



ابنائى و بناتى الاحياء كل سنة و انتم طيبين
بمناسبة صوم ميلاد فادينا الحبيب الرب يسوع .

و بالنسبة دى أحب أكلمكم شوية عن شخصية من
شخصيات الميلاد و هم المجوس , و دول كانوا
مجموعة من علماء الفلك كانوا عيشين في المشرق في
ايران (بلاد الفرس) و كانوا منتظرين حوالي ٨٠٠
سنة نبوة تنبأ بها أحد انبياءهم عن ظهور ملك
عظيم , و ملكه يكون الي الأبد , فأستمروا يراقبون
النجوم ليلاً علي مدي مئات السنين الي ان ظهر النجم
المنتظر فاستعدوا للرحيل وراء النجم يتقدمهم ثلاثة
أمرء و معهم جمهور كبير يطلبون ذلك الملك السماي
العجيب و حملوا معهم هداياهم برموزها العجيبة ,

فكان الذهب يرمز الي انه سيكون ملكاً و اللبان يرمز الي كهنوته أما المر فكان
يرمز الي الام الصليب. " أين هو الولود ملك اليهود " . " فأننا رأينا نجمه في المشرق و
أتينا لنسجد له ... " . " في بيت لحم " .

فبعدما عرفوا مكان ولادته ظهر لهم النجم مرة أخرى و
وقف حيث كان الملك المنتظر " فلما رأوا النجم فرحوا
فرحاً عظيماً جداً و أتوا الي البيت و رأوا الصبي مع مريم
أمه فخرؤا و سجدوا له ثم فتحوا كنوزهم و قدموا له
هدايا ذهباً و لباناً و مرا " .

سعداء جداً هؤلاء المجوس الذين تحملوا كل هذا التعب
و المشقة و السفر الطويل فاستحقوا أن يروا الملك
السماي.. هؤلاء الملوك الأغنياء سجدوا لمن ولد ضمن
أفقر الفقراء ...

فماذا نقدم نحن لمن أحبنا و بذل نفسه لأجلنا ؟.. فلنقدم
له قلوبنا و محبتنا و طاعتنا و أغلي ما نملك ...



" ثم اذ أوحى اليهم (الي المجوس) في حلم ان لا يرجعوا الي هيرودس , انصرفوا في
طريق آخر الي كورثهم " .

نعم ... فكل من التقي بالمسيح , و عرف طريق المنود فلا بد أن تتغير حياته
فيمكنه أن يرجع الي بيته و وطنه و لكن في طريق آخر , فحين نذهب الي بيت
لحم فلا بد أن تتغير طريقة حياتنا و طريقة تفكيرنا و تعاملتنا مع الآخرين ...
و كل عام و انتم جميعاً بخير .



الخوف والانفجار الحلقة (٢)



حبيابي الحلوين... المرة اللي فاتت اتكلمنا شوية عن
الخوف وازاي فيه خوف طبيعي وخوف مش طبيعي
غلط. وممكن يخلينا نزعل ربنا، مع إنه بيحبنا جداً
وعمره ما يزعل مننا لكن يزعل علينا..ز المرة دي
نتكلم شوية عن الحاجات الغلط اللي ممكن تيجي لنا
بسبب الخوف....

مثلاً واحد يخاف إنه يبان ضعيف قدام الناس يقوم

يلعب رياضة قوية أو عنيفة (ودة في حد ذاته مش غلط) لكن يكون هدفه مش
فوائد الرياضة ، لكن علشان يبقى قوي علشان يغلب الناس. طبعاً ده غلط لأن
بدل ما يعالج ضعف شخصيته اللي فيه، يعالجها إنه يعتمد على حاجات تحسسه
أنه قوي مع أنه مازال مش قوي من حواد لأنه مازال ضعيف الشخصية!

وهكذا ممكن نوصل يا حبيابي الحلوين إلي إن واحد بسبب خوفه من حاجة



ممكن يعمل حاجات غلط كتير تخليه يعمل خطايا كتير!!

وبالتالي فالشيطان أحياناً يستغل الخوف ده أنه يبعدنا عن ربنا.. ونقطة أهم

إننا نسأل نفسنا كام سؤال. يا ترى إحنا خايفين من إيه؟ وليه؟ وإزاي نتغلب

على كدة؟ ودور ربنا إيه في حياتي... من اللي حفظناه نقول: (استطيع كل

شيء في المسيح الذي يقويني)، وقال (بدوني لا تقدرُون أن تفعلوا شيئاً). يبقى

الحل مش اننا نسيب نفسنا للخوف وانما نواجه الخوف بالاتكال على ربنا

وبأننا ندور على الحل الصبح بمساعدة الكل في الكنيسة... ونعرف إن عمر





الحلول الغلط ما تبقى حل للخوف بتاعنا من أي حاجة...

المرة الجاية نأخذ أمثلة لأولاد ربنا اللي ماكانوش يخافوا أبداً وكانوا بيواجهوا

خوفهم.. صلوا لي..

سنكسار هذا الشهر ديسمبر – هاتور / كيهك




4



- ١- ديسمبر : نياحة القديس اغريغوريوس العجايبى .
- ٣- ديسمبر : نياحة القديس كرينيليوس القائد .
- ٥- ديسمبر : شهادة القديس مرقوريوس الشهير بأبي سيفين .
- ٦- ديسمبر : تذكار القديس اغريغوريوس أسقف نيس .
- ٧- ديسمبر : شهادة القديس يعقوب القطع .
- ٨- ديسمبر : شهادة القديس سرايامون أسقف نقيوس .
- ٩- ديسمبر : شهادة القديس بطرس خاتم الشهداء (عصر الاوثان) .
- ١٠- ديسمبر : شهادة القديس مقاريوس .
- ١٣- ديسمبر : دخول السيدة العذراء الي الهيكل .
- ١٤- ديسمبر : شهادة القديس اندراوس الرسول اخو بطرس الرسول .
- ١٥- ديسمبر : نياحة القديس ناحوم النبي .
- ١٩- ديسمبر : نياحة القديس ييمين المعترف .
- ٢٠- ديسمبر : نياحة القديس نيقولا س أسقف مورا .
- ٢٢- ديسمبر : نياحة القديس هدراس الاسواني .
- ٢٤- ديسمبر : شهادة القديس امونيوس أسقف اسينا .
- ٢٦- ديسمبر : نياحة البار جدعون أحد قضاه بني اسرائيل .
- ٢٨- ديسمبر : تذكار نقل القديس تيطس الي القسطنطينية .
- ٣٠- ديسمبر : نياحة الصديق حجي النبي .
- ٣١- ديسمبر : شهادة القديس برنابا احد السبعين رسولاً .

سيره الراهب القديس يسطس الانطونى (الراهب الصامت)



ولد القديس يسطس الانطونى فى عام ١٩١٠ فى قرية زرابى التابعه لدير الحرق اسيوط وسمى نجيب وكان والديه بارين امام الله فربياه تربيته حسنه وعلماه ان يحفظ وصايا الله منذ صباه.

وكان مداوم على الاصوام والصلوات وكان شغوفا بالوحده والهدوء ولما بلغ سن الثلاثين من عمره اراد ان يترك العالم وينفرد بالرب يسوع فقصده دير الانبا بولا بالبحر الحمر وبعد ان قضى هناك فتره قصيره توجه الى دير القديس العظيم الانبا نطونيوس وبعد فتره اختبار

رسم راهبا بإسم **الراهب يسطس الانطونى**.

لم يكن القديس يسطس الانطونى يهتم بمظهره او ملبسه وكان دائما يحاول أن ينكر فضائله ... كان يلبس ثوب قديم رمادى اللون من كثره الاتربه المتراكمه عليه وطاقيه ممزقه متسخه واحيانا كان يضع على كتفه بطانيه قديمه عليها طبقه من التراب اما حذاءه فكان قديما جدا.

عاش الراهب يسطس فى حياه صمت كامل فكان يهرب دائما من الناس ليتكلم مع الله وفى الكنيسه يقف بجوار عمود ويصلى من قبله فكانت حياته كلها صلاه (أما انا فصلاه) اذا دخلت قلايته سترى مدى الزهد والنسك الذى كان يعيش فيه فبداخلها لا يوجد اى اثاث زكان قراشه عباره عن حصيره قديمه مفروشه على الارض وبجوارها تجد طبقا من الفخار يتناول فيه طعامه ومعه بعض الخبز الجاف **ولكنه كان قديسا عظيما فى التواضع له الكثير من المعجزات.**

عاش حياه مليئه بالصوم والصلاه والتواضع والمحبة والمعجزات فى كل شئ على

الارض .. وفى يوم ١٧ ديسمبر ١٩٧٦ اسلم روحه الطاهره فى يدى الرب الذى احبه من كل قلبه وصعدت روحه وبعد نياحه ابونا يسطس الانطونى اراد الله ان يعزى كل محبيه لذلك راه الكثير من ابناءه الحبين له بعد انتقاله وكان ظهوره لهم سبب فرح وسلام لقد زار كثيرين بظهورات مختلفه سواء كانت نياما او متيقظين. ومعجزات كثيره تمت ببركه هذا القديس الى يومنا هذا. كما ان بعض الجنود راوا شخصا فى ملابس بيضاء



يسير فوق اسوار الدير بعد وفاته وكان يرغم ويسبح فظنوه انه عدو لانهم لم يفهموا كلامه فصوبو عليه بنادقهم واطلقوا عليه النيران فلم يصاب باى اذى . بركة هذا القديس العظيم فلتكن مع جميعنا امين.

تذكار الاب الروحي للخدمة

حلت علينا في السابع من نوفمبر الماضي الذكرى السنوية الاولى للاب والمعلم والمرشد للخدمة في كنيستنا :

المهندس

نجيب جورج

واذ نحن نذكر فيه الاب الحنون والخادم القدوة والمعلم الامين والراعي الساهر علي خدمته، نطلب نياحا لروحه الطاهرة وعزاء سماويا لكل من خلفهم من أسرته وخدمته راجين منه أن يصلي عنا ويشفع فينا امام عرش النعمة الالهي لكي يرحمنا الرب ويفتكر فينا.

تذكار شهداء الكنيسة البطرسية

تحل علينا في يوم ١١ ديسمبر الذكرى الرابعة حادث شهداء الكنيسة البطرسية الذي استشهد علي اثره ٢٩ شخصا قدموا ارواحهم الذكية علي مذبح الحب الالهي ذبيحة حب للرب يسوع وشهادة للايمان القويم وكان منهم ٦ شهداء من كنيستنا واذا نحن نذكرهم نعلم انهم يشفعون فينا بانات لاينطق بها امام مذبح الحب الالهي راجين منهم أن يرفعوا صلواتهم عنا لكي يرحمنا الرب الهنا ويعيننا ان نكمل ايماننا بسلام ونطلب منهم الصلاة عن سلام الكنيسة ووحدانياتها.



أضف الي معلوماتك



١- أن أكبر عدد حروف في لغة هي حروف اللغة الكمبودية التي يبلغ عدد حروفها ٧٢ حرف.

٢- في مصر الفرعونية كان الأسبوع يتألف من ١٠ أيام.

٣- النعامة لا تدفن رأسها في الرمال هرباً من الخطر بل بحثاً عن الماء .

٤- يبلغ متوسط استهلاك الفرد من البيض نحو ٢٣٠ بيضة سنوياً.

٥- أن الميكرويف اخترع بالصدفة عام ١٩٤٦م عند انهماك العالم بيرسي سبنسر في صناعة الرادار.

٦- انه تم اختراع أول خلاط للطعام وأول ثلاجة قبل ٨٠ سنة.

٧- هل تعلم أن الإنسان يقضي ما مجمله ١٠ سنوات في مشاهدة التلفاز تقريباً.

٨- هل تعلم أن الدلافين تنام وإحدى عينيها مفتوحة.

٩- هل تعلم أن حيوان الكنغر لن يستطيع القفز إذا ما رفع ذيله.

١٠- هل تعلم أن العيون تبقى على حجمها الطبيعي منذ الولادة، فيما لا يتوقف الأنف والأذنان عن النمو.

١١- هل تعلم أن القلب يدق بمعدل ١٠٠٠٠٠ مرة في اليوم.

١٢- هل تعلم أن أنف الإنسان يستطيع تمييز ما مقداره ١٠٠٠٠ رائحة مختلفة.

١٣- هل تعلم أن اليوم الواحد على كوكب الزهرة هو أطول من سنة كاملة على كوكب الأرض.

١٤- هل تعلم أن رواد الفضاء لا يستطيعون البكاء في الفضاء بسبب عدم وجود الجاذبية، وبالتالي عدم إمكانية ذرف الدموع.

قصة العدد القرزم الشرير يتوب

جرنوش قرزم شرير لا يحب الخير، يعيش في إحدى الغابات التي تحيط بإحدى القرى. في سنة ما وعند اقتراب عيد الميلاد بدأ جرنوش يتضايق عندما بدأ يلاحظ سهرات كيهك والاستعدادات لست احتمل كل هذا الفرح أجد حلا لهذه المشكلة التي عرفت ماذا سأصنع، قبل عيد الأكل الجيد الذي أعدوه اشروها وعندئذ يحزنون يثيرونها كل عام ٧ يناير ...



بدأ جرنوش يستعد لينفذ خطته، وبالفعل نفذها قبل عيد الميلاد بيوم واحد ... استيقظ أطفال القرية فلم يجدوا ملابسهم ولا أحذيتهم الجديدة، دخلت السيدات المطابخ فلم يجدن ما يطبخونه، وأما الرجال فلم يعثروا على شجر عيد الميلاد بعدما بحثوا عنها جيدا.....ولكن في المساء، استعد الكل ولبسوا ملابسهم المعتادة، وخرجوا من بيوتهم وهم في غاية الفرح يترنمون بتسابيح جميلة والأطفال يرنمون:

(ربنا ربنا جه علشاننا ربنا ولد فقير زينا علشان هو حبا)

بالولود مع الرعاة والمجوس الذي احبنا وجاء لخلصنا الكنيسة بقوة معلنة فرحة سمع جرنوش في بيته والغیظ فرحون ؟! أخذ جرنوش ثم ركع على ركبتيه ظننت إن فرحه العيد هي في فهمت الآن إن العيد هو



وصلوا الكنيسة وقرحوا وقدموا الشكر للفادي للتجسد ..وعند التوزيع دفت أحجاس السماء والأرض بعيد الميلاد ... يكاد يفتك به، " لماذا هم يفكر ثم بدأت دموعه تتساقط وصلي، " سامحني يارب لقد الأكل واللبس واللعب، ولكنني الفرحة بك ولا شيء آخر سامحني يارب " وبسرعة قام جرنوش وأعاد كل ما أخذه من بيوت الناس، فتعجبوا جدا مما حدث وشكروا الرب وقضي الجميع عيد سعيد مع الرب يسوع...

قدسوا صوما

كان فى مره خادمين سافروا إلى منطقة عشوائية وهناك كان فى ولد بعيد خالص عن ربنا ورافض يسمع أى حاجه عنه .



وفى يوم من الأيام فكر كل خادم منهم أزاى يخلى الولد ده يسمع كلامهم عن ربنا ، فقرّر الخادم الأول أنه يلجأ لربنا ويصلى ويصوم علشان الولد ده ، ولكن قرر الخادم الثانى إنه يروح يتكلم معاه بنفسه من غير لاصلاه ولاصوم ولاطلب معونه ربنا.....

وفى اليوم التالى قام الخادم الأول بالصلاه والصوم من أجل الولد وأما الثانى فقرّر يروح يتكلم معاه على طول وفجاء جاء الولد للخادم الثانى ووافق انه يسمع كلامه عن ربنا ففرح الخادم جداً وقال ده بسببى علشان أنا عرفت أكلمه بأسلوبى وده الى خلاه يرجع لربنا تانى.....

ولكن ربنا اللي شايك كل حاجه قال للخادم الثانى لأ.... رجوع الولد ماكنش بسببك ولكن ده كان بسبب الصوم والصلاه الى قدمهم الخادم الأول... لو ربنا ماكنش مد ايده بالصلاه والصوم بتوع زميلك الخادم الاول.... كان الولد رفضك وماقبلكش...

ومن هنا نتعلم إن الصوم والصلاه بيعملوا المعجزات.... علشان كده نسمع فى القسمة اللي بتتقال قبل المناوله فى القديس إيلج

(الصوم والصلاه هما اللذان رفعنا إيليا إلى السماء وخلصا دانيال من جب الأسود

الصوم والصلاه هما اللذان عمل بهما موسي حتى أخذ الناموس والوصايا المكتوبة بإصبع الله.

الصوم والصلاه هما اللذان عمل بهما أهل نينوى فرحمهم الله وغفر لهم خطاياهم ورفع غضبه عنهم

الصوم و الصلاه هما اللذان نجحنا الشياطين.....)

ياريت يا حبايبى نعرف ان احنا كبرنا وجه الوقت إن احنا نصوم!!!



لغتنا القبطية



الحرف مابين الحروف	الحرف في اول السطر	Name of the Letter	النطق باللغة العربية
Ⲁ	ⲁ	Alpha	أ
Ⲃ	ⲃ	Beta (Veta)	مثل كلمة فـ (معطشة) فيلا عندما يتبعها حرف من حروف العلة ب - عندما لا يتبعها حروف العلة
Ⲅ	ⲅ	Gamma	ج (معطشة - غالباً) أحياناً - غ
Ⲇ	ⲇ	Delta	د
Ⲉ	ⲉ	Ai	إي
Ⲋ	ⲋ	Zita	ز
Ⲍ	ⲍ	Eita	ايتا

عندك فكرة اننا بنسعمل كثير كلمات قبطية في حياتنا اليومية واحنا منعرفش

(امبو) ومعناها بالعربي ماء ويقولها الطفل
(ترابيزة) وتعني باللغة العربية منضدة - (حنفية) بمعنى صنوبر
(ننوسة) معناها عروسة لعبة - (فوطه) ... بمعنى منشفة



10



تتطق (إن) تتطق (زنزن)

حكايات فيها وعظة وعلامة.... مع الكتاب المقدس واستاذ أسامة

النبي ارميا والركابيين



ارميا النبي... واحد من الانبياء الاربعة الكبار (اشعياء - ارميا - دانيال - حزقيال) كان نبي علي مملكة يهوذا الجنوبية قبل السبي... في مرة ربنا كلمه وطلب منه طلب غريب جدا... ربنا قاله يا ارميا روح للركابيين اللي جدهم يوناداب بن ركاب... وقولهم اشربوا خمر... ارميا علي طول نفذ كلام ربنا واخذ معاه خمر وقال للركابيين اشربوا خمر... تفتكروا ردوا عليه وقالوا ايه.....!!!



قالوا لا طبعنا لا نشرب خمر لأن جدنا يوناداب بن ركاب قالنا وصيه مهمه لاتشربوا خمر لا انتم ولا اولادكم

وماتعملوش حاجات تانيه كثير.. فاطعناه وماشربناش خمر ولا عملنا الحاجات الباقية اللي طلب منا مانعملهاش ابدا... لا احنا ولا اولادنا من بعدنا للابد.

بعد الكلام ده... ربنا قاله (سمعت يا ارميا كلام الركابيين.... روح وقوله لشعبي اللي عايش في اورشليم.... الركابيين بيسمعوا كلام جدهم اللي مات... وبيعتروه وصايا استحاله يخالفوها.... وانا كلمتكم واديتكم وصايا كثير وانتم مش بتنفذوها.... وبتكسروها مع اني الهكم الي بيحبكم جدا!!)

يبقي نتعلم من الركابيين... الامانة والثبات في تنفيذ الوصية... مش اي حد يقولي علي اي حاجة اعملها... الانسان القوي مايضعفش قدام اي حاجة نفسه فيها طالما ربنا وافتكروا دايما دانيال والفتيه الثلاثة اللي رفضوا ياكلوا من طعام الملك الغالي والحلو عشان ربنا وصاهم واكلوا من الفول والاكل الصيامي عشان يفضلوا ثابتين علي وصايا الله.

اما دانيال فجعل في قلبه انه لا يتنجس بأطياب الملك ولا بخمر مشروبه،

فطلب من رئيس الخصيان أن لا يتنجس. (دا ١: ٨)



أمياد ميلاد اولاد وبنات الاسرة كل سنة وانت طيب يا

فصل أمنا رفقه :-

شهر ١١ : مارتن اشرف ٣ نوفمبر - كارين هاني ٢٢ نوفمبر

شهر ١٢ : كريمنا ساهر ٢٥ ديسمبر

فصل ابونا يعقوب :-

شهر ١٠ : ماري نسيم فهمي ٤ أكتوبر

شهر ١١ : كارل مايكل ٦ نوفمبر

فصل أمنا سارة :-

شهر ١٠ : الفريد اشرف لويس ٢٩ أكتوبر

سارة باسم وديع ٢٠ أكتوبر - كارلا ناجي ٢٩ أكتوبر

شهر ١١ : ماري سامح ٥ نوفمبر

شهر ١٢ : شادي جورج فكري ١٧ ديسمبر

فصل موسي النبي :-

شهر ١٠ : ايريني نشات ٣٠ أكتوبر

مارتن رامي ١٠ أكتوبر - ميرولا نشات ٢٦ أكتوبر

شهر ١١ : مينا جورج عادل ٤ نوفمبر

شهر ١٢ : يوانا يسري ٢٣ ديسمبر

فصل دانيال النبي :-

شهر ١٠ : بريزوا عماد ٢١ أكتوبر

روفانيو ماجد ٩ أكتوبر - يوسينا هاني ١٤ أكتوبر

شهر ١٢ : ماري سمير ٢٩ ديسمبر

Happy birthday! Happy birthday! Happy birthday!

Happy birthday! Happy birthday! Happy birthday!



Happy birthday! Happy birthday!



فصل ابونا اسحاق :-

شهر ١٠ : كيفين نيكد ٣ اكتوبر - يوساب رخت ٢٣ اكتوبر
شهر ١١ : آدم امير ٣ نوفمبر - كيريا رزقي ٧ نوفمبر
شهر ١٢ : ايرين ادوار ٣ ديسمبر - ميليا وسام ٢ ديسمبر

فصل هنه النبيه :-

شهر ١٠ : جيوفاني امجد ٢٥ اكتوبر
شهر ١١ : نوماس هشام ٤ نوفمبر - ماريا سمير شوقي ١٣ نوفمبر
شهر ١٢ : بارسينا عصام جميل ٢ ديسمبر

فصل دبورة النبيه :-

شهر ١٠ : ابانوب هاني ٦ اكتوبر - سانرا هاني ٤ اكتوبر
شهر ١١ : مينور مؤنس ١١ نوفمبر - مارينا سامخ ٧ نوفمبر
كارول هاني ١٩ نوفمبر

فصل ابونا ابراهيم :-

شهر ١٠ : كيريا سامخ ٢٩ اكتوبر - ميرنا ماجد ٢١ اكتوبر
يوسلينا عماد ١٧ اكتوبر

فصل ايليا النبي :-

شهر ١١ : كارين ايهاب ١٧ نوفمبر
شهر ١٢ : كريستين رضا ١٦ ديسمبر - ماريا ماجد ٢٥ ديسمبر



كل سنة وحبائنا للحلوين طيبين
ومقبال مليون سنة جميلة سعيدة
في رعية ربنا يسوع المسيح



رأس ولا ذيل

الحلقة (٢)



- ماما ماما ... عاوز موبايل
- دانيال حبيبي .. انت معاك موبايل بتستخدمه لما تكون في مكان ونحب نتعلمن عليك.
- ايوه بس انا عاوز واحد فيه Games، وكمان ادخل ع النت زي كل صحابي، دول بيحبيوه المدرسة وبيلعوا عليه في الريك، وساعات في الحصص كمان !
- انت بتحتاج الموبايل بس لما بتتصل بنا، فين الاحتياج انك تأخده المدرسة؟
- ايوه بس كل صحابي معاهم وانا لا، وكده شكلي اهل منهم !
- ممكن أسألك سؤال يا حبيبي ؟؟
- اتفضل يا ماما
- انت رأس ولا ذيل ؟؟
- رأس !! ذيل !! مش فاهم حاجة !!
- هقولك يا دانيال .. اكيد انت فاكتر قصة دانيال النبي، مش كده ؟
- ايوه طبعا قريناها كذا مرة، وكمان سمعتها في مدرّس الأحد.
- دانيال النبي لما تعرض عليه يأكل الكفل اللي الملك امر به، ويشرب من الخمر، رفض .. وفي اية حلوة بتقول : (اما دانيال فجعل في قلبه انه لا يتجنس بأطياب الملك ولا يخمر مشروبه) (دا ١ : ٨)
- قصدك يا ماما إن دانيال ك ان مختلف عن الي حواليه، وأنه مش بيقلدهم ؟؟
- أوقات الي حوالينا بيعملوا حاجات، لكن ده مش معناه أننا لازم نعمل زيهم، يعني انهم ياخدوا الموبايل للمدرسة ووسط الحصص، مش ده بيعطلهم؟ وممكن كمان ميكونش مسموح به في المدرسة؟
- بصراحة اه، هم فعلا بيلعبوا به من غير ما الميس تعرف !
- كمان ممكن بعض الأولاد يضيعوا وقتهم على النت، وممكن يكون فيها صور او حاجات مش مقبلة ماتناشش أولاد ربنا.
- انا كنت مكسوف أقول لك كده يا ماما، لكن فعلا في ناس في الفصل بيشوفوا صور على الموبايل، ويفرجوا بعض على حاجات مش كويسة !
- وانت تحب يا دانيال تعمل زيهم؟ ولا تكون زي دانيال النبي مختلف ومتميز؟
- انا بحب دانيال النبي جدا، ده حتى اسمي على اسمه، وعازب اكون زيه.
- برافو عليك، انت كده رأس يعني قائد، إما الذيل يعني واحد ماشي ورا الناس وخلص.
- شكرا يا ماما لأنك شرحت لي أهمية اني اكون قائد... حتى لو ده هيخليني مش معايا موبايل زي صحابي، لكن الأهم اني اكون ماشي صح.
- ربنا معاك يا حبيبي وتفضل طول الوقت بتنفيذ كلام ربنا.....للحديث بقية

حاجة.....تكشف!!! اولاد وبنات....حلوين شريات!!!



داود....ولد حلو جدا ونشيط... مش بيسكت خالص...
والغريبة إنه اول ما بيدخل الكنيسة في القداس... او
يقعد في فصل مدارس الاحد... مابتفهمش ايه اللي
بيحصله... هاتك يارغي وكلام وقرص في اللي جنبه
وشد في موبايلاتهم... وكمان يرش عليهم مطهر من
القزازه اللي معاه... الاستاذ مرقس بيغلب معاه بس
ياداود....عيب يا حبيبي... احنا في بيت ربنا مش في
الجوش...جسد ربنا ودمه علي المذبح في الهيكل
ماينفعش تعمل كده...فصل مدارس الاحد ده بندرس

فيه الكتاب المقدس وقصص القديسين والطقس والعقيدة...ياحبيبي بس الله
يهديك...عشان خاطر السيد المسيح اسكت واحترم القداس او الدرس وابقي
العب لما يخلصو ابدًا.....

اما ميريل بنوته عسوله...طول النهار والليل...صاحبة
او نايمة...ف القداس او مدارس الاحد او اي مكان..
هارية نفسها موبايل..وعينها مش بتسيبه لما لبست
نضارة...تركيزها كله معاه...مش بتسمع حد ولا بتتهم
بحاجة غير الشاتنج والواتس اب وعندها كام صديق
وصديقة في الفيس بوك وكام متابع ع
الانستجرام...اخذت كام لايك وكام مش عارف ايه



ومضبعة كل وقتها علي الكلام ده وكأن اي انسان معندوش وظيفة غير
كده...اما كلام مس دميانة معاهها كله في الهوا ومش بيتسمع المهم الموبيل
وبس...موبيل في القداس وموبيل في مدارس الاحد... وموبيل في وسط الصلاة!
**لداود وميريل...نفسى اقوالهم ان لكل حاجة في حياة الانسان وقت...ماينفعش
نقضي عمرنا في اللعب والموبيل بس...في حاجات كتير في عمرنا اهم ان احنا
نعملها ونحترمها... واهمها ان بيت ربنا مقدس وكريم ولازم نحترم الكنيسة
ومدارس الاحد اكتر من كده... "ببيتك تليق القداسة يارب الي طول الايام " سفر
الزماير ٩٣ : ٥ - " ما احلي مساكنك يارب الجنود " (سفر الزماير ٨٤ : ١) - " يارب
احببت مح بيتك وموضع مسكن مجدك " سفر الزماير ٢٦ : ٨**

فكر يا فايز..... تكسب جوايز

س١- من هم المجوس؟ كيف وصلوا الي الزود؟ ماذا تعلم منهم؟



س٢- اين ولد القديس يسطس الانطوني؟ اين ترهبين وماهي فضائله؟

س٣- كيف تنام الدلافين؟



س٤- ماذا فعل القزم جرنوش ليفسد عيد الميلاد؟ وكيف تاب القزم؟

س٥- لماذا لا يستطيع رواد الفضاء البكاء في الفضاء؟

س٦- من هم بني ركاب؟ ماذا كانت وصية جدهم لهم؟ من هو النبي الذي ذهب اليهم؟



س٧- متي يكون تذكار شهادة القديس فيلوياتير مرقريوس ابي سيفين؟ وتذكار شهادة القديس يعقوب المقطع؟

س٨- ماذا فعل الخادم الاول من اجل الولد الشقي؟

س٩- بيتك تليق

ماحلي مسكنك

أكمل الآيات واذكر الشاهد؟

س١٠- "الصوم والصلاة هما اللذان رفعنا إيليا إلى السماء" اين ومتي تقال هذه العبارة الجميلة؟

**قم بحل الاسئلة وسلمها في ميعاد اقصاه ٢٥ ديسمبر ٢٠٢٠ الى استاذ محارب سيف وهناك جوائز للاربعة الأوائل من جوائز المجلة.....
حظ سعيد لكل المشتركين.....**

16

إذا كنت تحب المشاركة بالكتابة معنا في المجلة اكتب اي موضوع في حدود ١٠ سطور وسلمه للاستاذ محارب سيف قبل يوم ١٥ من الشهر!!